

吟

風

閣

吟風閣

小序

新豐店思行可也。命世無人而馬周蒼遇爲世美談。敷陳其事。聊慰夫懷才未試者。

大江西思任運也。江行萬里。消受無邊風月。懷古之餘。倚帆清嘯。忘其于役之遙。

行雨思濟世之非易也。以學養才。歛才歸道。非大賢以上。其孰能之。

黃石婆思柔節也。易用剛。黃老用柔。光武言吾

治天下亦欲以柔道行之。柔勝剛。弱勝強。柔之時義大矣哉。

快活山思分定也。卽榮啟期之意而長言之。至樂性餘。至靜性廉。雖異伐木之旨。其亦神聽和平者乎。

錢神廟。思狂狷之士也。豐齋由天。狂者胸中無物。若狂而不狷。君子奚取焉。

晉陽城。思雪讒也。溫郎固英物。在當時國士無雙。而有絕裾之謗。求忠臣孝子門。吾決其必

不然而事或有因。如茲之所云云爾。或者曰。近世征衣之製多缺一襟。非獨便鞍馬。蓋卽溫郎遺事以倣夫遊子忘歸者。

邯鄲郡思失職也。譬之鹽車駿馬。能無仰首一鳴。然知命者怨而不怒。有風人之義。

賀蘭山思知己之難遇。而賢者忠愛之至也。汾陽偉人。太白奇士。思其事。想見其爲人。慨當以慷。庶幾乎登場遇之。

朱衣神思賢路也。文章一小技。而名器歸之。九

品中正以後。舍此則其道無由。及其權重而取精用宏。進退予奪之際。可勝慨哉。

夜香臺。思愼罰也。武宣之際。吏事刻深。不疑亦快吏也。史稱其嚴而不殘。訓由賢母。獲以功名終。若夫嚴延年。母雖賢。曾莫救其子之惡。悲夫。

發倉。思可權也。爲國家者。患莫甚乎棄民。大荒召亂。方其在難。君子饑不及餐。而曰待救。西江不索我於枯魚之肆乎。詩曰。載馳載驅。周

爰咨度。汲長孺有焉。

魯連臺。思達節也。戰國策。士縱橫于秦。貨楚。惟魯連于世無求。獨伸大義於天下。其賢于人遠矣。世稱魯連不死。嘗讀太史公書。子房東見滄海君。求力士。而不著其姓氏。誰爲滄海君。其卽魯連子非耶。

荷花。蕩思托孤。寄命之難也。自昔衣冠多賢智。而愚不可及。每于廝養中得之。

二郎神。思德馨也。禮有功德於民者。則祀之。能

捍大災禦大患者則祀之。灑沉澹菑禹之明德遠矣。三代以降。遠績禹功而大庇民者。其惟蜀之二郎乎。香火千年。蜀人尊爲川主。思其德而歌舞之。宜矣。惟是神之姓氏。傳聞異辭。在正史爲李氏子。在虞初家皆以爲楊。豈灌口有兩二郎耶。

笏諫思遺直也。唐人有相笏經。當時吉凶頗驗。而不知美惡之在人。若夫萬笏朝天。而魏鄭公用以諫君顯。段太尉用以擊賊聞。此真笏

之美者也。物以人重。信夫。

配瞽思重匹也。孝子順孫。義夫節婦。天性淳篤。可維風化者。輶軒所及。代有旌揚。而連類及之。從無特獎義夫者。近事可徵。是用隱其名。顯其事。以備激揚之缺典云爾。

露筋。思勵俗也。煙花三月。歲歲揚州。詎二十四橋。月色簫聲之外。有自苦如露筋娘者。來往邗江。敬瞻祠宇。輒借絲哀竹。濫寫其幽怨焉。掛劍思古交也。一劍何足道。而死生然諾之際。

情見乎詞

却金思祖德也。家藏有四知圖像。并被諸絃歌。亦白圭三復之義。

下江南。思武德也。夫武禁暴戢兵。安民和衆。宋初李煜出降。錢氏納土。皆以全取勝。東南之民晏然。孰知百年而後。東南卽其子孫。獲以偏安處也。曹彬之後當昌。又其小焉者爾。

藍關思正直之不撓也。道之在天者曰。其人在人者心。心君氣母。內不受邪。則光曜直達。通徹。

三界吾於昌黎發之。

荀灌娘思奇節也。至性所動。無鬚眉巾幘。無總角成人。臨事激昂。則智勇俱出。如當日灌娘之救父。豈非動天地而泣鬼神者乎。

葬金釵思補遺也。當日信陵破秦歸魏。封侯生之墓。弔晉鄙之魂。而爲如姬發哀。蓋情事之所必有。而史不及載。輒用悲歌以補之。

偷桃思譎諫也。遊方之外。飾智驚愚。愚實易驚。非仙實智。知之者其滑稽之雄乎。

換扇思櫻寧也。櫻寧者。櫻而後寧。若夫得全於天。胸無滯碍。非夢亦非覺。何入而不自得乎。西塞山。思物外觀也。風雨晦明。安危憂喜。頃刻萬端。用泰物變。

忙牙姑。思死封疆之臣也。周有遺戍及勞旋帥之詩。所以慰其心者至矣。而於死事者缺焉。孔明瀘江酌酒。哀動三軍。僉曰。吾帥待死者如此。況其生者乎。

凝碧池。思志義之士也。妻子具則孝衰矣。爵祿

具則忠衰矣。上失而求諸士。士失而求諸伶工賤人焉。昔晏子有言。非其私昵。誰敢任之。若雷海青者。其可同類而共薄之耶。

大慈嶺思返本也。是儒是釋。誰見道真。求諸語言文字之間。抑亦末矣。

罷宴思罔極也。長言不足而嗟嘆之。不自知其淚痕漬紙。哀絲急管。風木增聲。恐聽者與蓼莪俱廢爾。

翠微亭思英特也。蘄王忠智。出則夫婦同獎王。

室退則闔門養威重。不出家而得泉石之友。
似此唱隨亦賢矣哉。

吟風閣目錄

小序 題詞

卷一

新豐店馬周獨酌

大江西小姑送風

李衛公替龍行雨

黃石婆授計逃關

快活山樵歌九轉

窮阮籍醉罵財神



卷二

溫太真晉陽分別

邯鄲郡錯嫁才人

賀蘭山謫仙贈帶

開金榜朱衣點頭

夜香臺持齋訓子

汲長孺矯詔發倉

魯仲連單鞭蹈海

荷花蕩將種逃生

卷三

灌口二郎初顯聖

魏徵破笏再朝天

動文昌狀元配瞽

感天后神女露筋

華表柱延陵掛劍

東萊郡暮夜却金

下江南曹彬誓衆

韓文公雪擁藍關

荀灌娘圍城救父
信陵君義葬金釵

卷四

偷桃捉住東方朔
換扇巧逢春夢婆
西塞山漁翁封拜
諸葛亮夜祭瀘江
凝碧池忠魂再表
大慈嶺隻履西歸

寇萊公思親罷宴

翠微亭卸甲閒遊

吟風閣

題詞



南呂引子。滿江紅。末上。世界雲浮。徧樓閣。飛空人物。平
白地。爲誰顰笑。等閑癡絕。對酒當歌。何處好。憑高
弔古。無人識。但自家。陶寫性中天。閒評跋。百年
事。千秋筆。兒女淚。英雄血。數蒼茫。世代斷殘碑碣。
今古難磨真面目。江山不碍閒風月。有晨鐘暮鼓。
送君邊。聽清切。

中呂慢詞。沁園春。美景良辰。賞心樂事。人生幾場自新。

聲鄭衛淫哇競起悲歌燕趙感慨多傷大雅云遙
陽春絕少子孝臣忠闕幾章移情處風流宏獎別
譜絲簧吟風閣下徜徉有短笛橫吹信口腔借
丹青舊事偶加渲染漁樵閑話粗與平章顛倒看
來胡盧提起青史何人姓氏香呼僮至相將好去
細按宮商

新豐店馬周獨酌

呂南南

三登樂

生扮馬周上天闕。巍峨少架海金梁。

一座閃酸寒何處。奔波待借壺觴。澆磈礪有口懸河。便踏破瓊瑤上市樓孤坐。

好一天風雪也。我馬周自到長安客店以來。行
李蕭條。十分落寞。昨有中郎將常何。要吾代草
奏章。暫留門館。正是時命不將明主合。布衣空
惹洛陽塵。鎮日無聊。到新豐市上。把酒散懷。今
日衝寒而出。獨步天街。不免更圖一醉。來此已

是酒保那裏。丑扮酒保上。小子穿爛犢鼻褲。犢鼻褲。酒錢只向當爐數。前門看上卓文君。後廂捉住畢吏部。畢吏部相公。這廂沒有你的坐處。你看樓上樓下。都是貴官長者。公子王孫占滿了。你到旁邊去罷。生肥馬當風。蹇驢避路。不拘甚麼去處。只管多多的篩熱酒來便了。丑看你身上單寒。倒消得我幾壺酒哩。

正宮錦纏道生你道破窰邊臥。哀哀空將凍呵。看俺滿引的醉顏酡。丑可要甚麼菜下酒。生古人云。濁

酒當以漢書下之、不消別的下酒。丑書是好下酒的、原來你們讀書人、把讀的書、都囫圇吞下肚去了、可不脹壞了人。內叫介丑下生、我想漢高皇當日、威加四海、慢罵儒生、說道乃公以馬上得天下、何用詩書、這話好沒計較也、想漢當日羣方久困、干戈單仗着舊從龍、礪山帶河、却不道開乾坤、滲漏還多、只聽那猛士大風歌、他全不要詩書、王佐任書生、禮數多、馬足下、儒冠摧挫、怎教他園綺願來過。

酒保酒來。丑上酒又來了。下生你看如今大唐開國一樣是風塵三尺劍社稷一戎衣却文武一時並進比那漢初光景不同了。

仙呂 皂羅袍 戰罷元黃水火儘驅除。剗削數子麼麼。端拱瘡痍。問如何還愁跌却金甌。破凌煙宿將風雲殿訶瀛洲學士神仙會。和你道這朝臣宰還少着恁麼來。那裏去別尋事業書生做。

我想孔子說邦有道貧且賤焉恥也似我馬周酸寒乞相爛醉生涯可不孤負了生當盛世笑。

介怎的解嘲敢道是萬馬爭先驍驕落後

前腔。可是飛騰無那。任長吟抱膝。命竟如何。幸感會風雲際時。和豈搜羅豪俊。無堪可。丹青元化河清。頌歌山龍補袞。賢良諫科。抵多少後功名圖向麒麟左。

且放下酒盃。不免就店壁上題他雪詩一首。聊寫倦懷。題介。是誰空裏洒瓊瑤。甚不禁寒。季子貂。今日新豐一壺酒。滿腔醜醜雪同消。你看白壁上映着雪光。好不明亮也。再拏酒來。丑上酒。

又到看壁介咳你這人好不討嫌我家舖面興
隆坐頭打掃清潔生不見得丑冤遭酸子降臨
慣要東塗西抹生誰禁得丑主人十分憎嫌特
地裱糊雪白生很難得丑偏我遲來一步不知
已亦吾壁生便宜了壁我詩千金一字哩丑莫
道一字千金我看半文不值內叫介丑下生埽
興埽興平白被追廝奚落了一場也

調商鶯兒袍魎魅喜人過被揶揄將奈何嘆詩書不
是居奇貨享羔羊酒醅擁妖姬艷歌熱趕着五陵

裘馬翩翩過。今日裏是新豐。雞犬也欺人。坎軻是
長安風雪也。將人折磨。我只要問天公。怎安排。這
後樂先憂我。

說話中間、不覺的獨斟易醉、作盹睡介、副淨扮
內監末扮軍將領從人上、我等奉駕帖傳宣、要
那山東馬秀才、說他在新豐酒店、我等那一處
不尋來、原來醉倒在此、馬秀才、馬相公、生作醒
介、酒保、再拿酒來呀、列位何來、到此何幹、衆我
是符官快如電、玃率天宮奉差遣、生我尋那個、

衆周天列宿點俱全。只有文曲星不見。生不見。
再尋衆走到人間始得知。道你就是星官貶。生。
莫要認錯。衆果然火色與鳶肩玉皇坐等靈霄。
殿。生還了酒錢去。衆去了再還。就取冠帶過來。
御馬監也牽馬伺候了。就此前去面聖。合正是。
貧時土鏗冷疎烟。誰識長吟不世賢。

一旦時來知宦達

看他三斗去朝天

下丑弔場介了不得了不得了真乃有眼不識泰山。
你看他壁上題詩。這是留下名公筆跡。夥計。

快把碧紗籠罩起來者內叫下

大江西小姑娘送風

小生冠帶便服丑扮童兒隨上高臥人豪世所
欽。出山小草客塵侵。宦遊更逐江湖遠。琴鶴相
隨。識道心。下官幼竊儒巾。早塵仕版。敢誇抱負。
無非數卷書傭。若問行藏。已是半生吏隱。今當
遠任南中。打從大江西去。一路登舟。雖則旅況
無聊。閑愁不少。所喜一江風景。不覺萬里迢遙。
今日裏呵。將愁悶一齊放下。眼見得風月無邊。
把軒窗四面打開。真個的江山如畫。可不暢快。

人也

北雙調

新水令江山似此畫圖非拂雲來片帆天際
俺則待趁仙風揮羽扇不爭便訪漁伴臥簑衣月
朗漸星稀聽何處笛聲起

丑你看一輪明月萬里無雲老爺對此清光豈
無佳興可不吟詠他一番者小生使得

折桂令耀金波似照燃犀水下魚龍水面虹霓分
明見露濕漁磯煙橫戰壘風捲靈旗誰對着雲山
長嘯漫驚他鷗鷺羣飛一排排船舫東西一層層

煙樹高低白茫茫。人倚窗扉響。滔滔浪滾沙堤。

丑雖則江景甚佳。只是前途尙遠。老爺怎生消遣哩。小生你道怎生是好。

雁兒落

勝令帶得

朝隨着估客帆。夜攬着江妃佩。填成

了白苧詞。收起了青衫淚。呀。你看那水濶魚爭戲。你看那天空也任鳥飛。你看那耕牧蒼煙遍。你看那一帶雲山紫。邏齊須知俺際昇平。萬里遘征易。休提那弔滄桑。千秋往事非。弔滄桑。千秋往事非。

丑老爺要看江邊古迹。這廂是京口。那邊就是

金陵小生好一帶繁華地面也

收江南呀這不是京江鎖鑰。瞥眼便雄奇。更揚州。
燈火歌吹起。畫橋西。只有那龍盤虎踞。怕不似古。
南畿。看金粉六朝剩繁華。有幾只留得一拳采石。
縹緲謫仙衣。

〔淨〕這廂是馬當山下。那望見的就是小姑山呀。
前面烏雲起處。風雨霎時到了。須要泊船守風。
者。小生舟行迢遞。又值阻風。不知江神有靈。留。
我何事。鎮日水艙獨坐。書卷拋殘。只得就此假。

寐片時、童兒可吩咐船家、好生在意、丑應下小
生、盹睡介、巡海夜叉、遶場下、小旦扮神女侍從
上、一點煙鬟、不染埃朝、真昨夜玉京回、已拚江
上、愁心盡、豈逐朝雲暮雨來、吾乃潯陽江上小
姑、山神女是也、自禹王導江、萬靈受職、吾神姊
妹、疏導潯陽九派、佐助有功、因而受其籙命、封
爲水府正神、大姑鎮守湖干、小姑控制江上、數
千年血食、保障生靈、只因對江有一個彭郎磯、
相傳吾神有甚緣由、每在烟雨中、與彭郎往來

交接彭郎乃是頑石一塊終古無靈這話從那裏說起

南仙

醉扶歸你看大姑他立處誰陪從咱小姑閑影照江空端的是無匹匏瓜常在暮雲中沒來由抱將頑石爲情種遙望着—龕香火最高峯說甚的塵生羅襪凌波夢

可見世間好事的人附會之言何所不有這也不在話下今日吾神在梳粧樓上憑闌一望見有官舫阻風逗遛在此那艙中隱几之人看他

道氣猶存、可奈塵緣未盡、風婆水母、須得與他、順風相送、教他前去十分輕便也、

皂羅袍合、驀地裏青蘋吹動、聽叮嚀、遞響環珮、天風提起輕舟、浪花中箇人未醒、遊仙夢、岸猿啼過、青山數峯、檣鳥飛去、芳洲數叢、步微波、又巧爲着他時來送、

吾神就此回去、你們好生護持者、只願他風檣陣馬、浮名過早、向蓬萊頂上行、下丑上耳聽好消息、眼望捷旌旗、老爺還不醒來、一霎時轉了、

好風不知里數。已是吳頭楚尾了。小生醒介。好
奇怪。適纔似夢非夢。見有神女前來。這不是小
姑顯聖哩。

北雙調

沽美酒

帶太平令

馬當山咫尺迷。馬當山咫尺迷。

雷雨至。浪花飛。坐對着小小孤山眉黛低。謝伊家
姊妹可方便的。送咱過大江西。丑那不是琵琶亭。
轉眼又到赤壁磯了。小生想當日逢白傅琵琶掩
泣。遇周郎檣櫓飛灰。那百尺高是黃鶴樓。岳陽樓
都醉了。那洞仙飛去。這一片白是洞庭湖。青草湖。

真見了他龍女傳奇。慙呵。看一路裏朝暉暮暉。鎮
日間鵲啼鳩啼呀。可不道壯遊的心兒裏直恁地
官情難已。

〔丑〕看不盡江邊美景。也須防風浪非常。稟老爺
前面就是驛亭官路。你看岸邊夫馬齊備。卽請
上岸登程者。小生可就此起馬。

尾聲中流鼓棹誰同濟。蝸角蠅頭名利却忘了天
塹風濤路險夷。

李衛公替龍行雨

北仙呂

點絳脣

小生扮李靖上寶劍橫腰尋師訪道

程途杳日掛林梢問何處停驂好

吾乃三原李靖年方弱冠出自將門俺舅舅韓擒虎是當今第一員上將他平吳之後把一身武藝各種韜鈴都傳授於我只是文武不能兼備聞得如今龍門山下有個文中子先生他道行甚高俺要去從他學道三年方纔出世自然做得個擎天巨手竹帛揚名故此取路前來尋

俺師父說話中間、不覺天色已晚、有悞程頭、你看樹林中一點火光、想有人家也、不免上前叩門、則個老旦扮龍母上、恐有燃犀客、須防煮海人、那個叩門、小生驚動老母、不知寶庄、可容借宿、老旦郎君休怪、老身孩兒出去、家下無人、沒奈何、這庄外團瓢裏面、郎君將就些罷、小生但免露宿、便承老母厚意了、老旦非關雨落天留客、掩門下、小生難道天留人不留、下

小旦扮龍孫跑上、大聖召小聖、急急如律令、媽

媽開門、孩兒自外回來、遇着天符下降、急宣父
王河東行雨、明日寅卯時分、準下甘霖一尺、救
彼旱苗、現有勅書在此、如今父王未回、怎生是
好、老旦這事怎麼處、有了、勅書供奉、叩門介耶
君醒來、有事相煩、我與你實說、我不是凡人、我
乃龍王之母、頃奉上帝勅書、差遣河東行雨、怎
奈孩兒出外、童兒幼小、事在緊急、要請耶君代
勞、小生原來如此、但我是凡人、怎生代得、老旦
耶君本非凡品、倘肯代得、吾有白馬行空、皂旗

遣將到那地面、你只搖動淨瓶、將柳枝灑下、自然下方得雨、時刻無差、但這淨瓶非同小可、張唇海納、舉手山搖、地下萬點非多、天上一滴非少、交與郎君、須要聽吾囑咐、小生果然上天有路、你看俺爲霖手段、波小旦媽媽、我正想天上去走走、可放孩兒、捧着淨瓶同去、老旦使得、須知用汝爲霖處、正值蒼生仰望時、下

混江龍小生則聽得一聲呼哨、馬蹄兒冉冉入雲、高真個的排空馭氣、直上扶搖脚底下、掠過了何

郡何州銀壺點滴催殘漏頭頂上冲開了非煙非
霧罡風推激洒鴻毛黑漫漫晨星散落金雞叫明
晃晃海霞烘起赤城標你看天色黎明無端身在
天半俺不是揚州遊客跨鶴纏腰俺不是秦臺嬌
客乘鳳吹簫俺待叩天門咫尺俺待酬下界哀嗽
你看那四下裏逃的逃散的散湯火遊魂五百年
蒼生厄難你看那半空中跳的跳舞的舞驕陽早
魃數千里赤地枯焦消磨盡開皇富庶折罰起大
業奢豪今日裏喜得天誘其衷假手於我這匹白

馬呵看馬蹄兒騰踏是匹練光冲散了黃塵匝地
這面皂旗呵看旗尖兒招颺是蚩尤影遮住了赤
日當霄這個淨瓶呵妙空空一口兒吸盡了銀河
天漢這枝楊柳呵輕裊裊幾葉兒灑徧了甘露祥
飈一般般如心如意真奇寶一件件未能未信學
操刀登高處介欲窮千里目更上一層雲來此已
是不免調度起來有何不可那個是天符使者那
個是日值功曹那個是各山各水各神祇一齊聽
令那個是司風司雨司雷電四面揚鏢你看半雲

半霧諸神早到，只是下方如此大旱，依着龍母語
言，一滴枝頭濟得甚事。散絲絲神駒尾鬣點滴滴
活柳枝梢爲甚來緣，慳難捨不由我手滑難熬。

自古道將在軍，君命有所不受。自然龍在雲帝
命也有所不遵了。正是一朝權在手，便把令來
行。第一來與宮上風府諸神聽令者。

油葫蘆大塊無聲本寂寥，你急先鋒衝陣早不爭
的打從蘋末起蕭騷。待飛砂走石神靈到，更拔山
攪海陰陽開。你來自無形去絕踪，慣使驅除能汎

掃不平。鳴助虎空林。嘯催着那垂天大片亂雲飄。
遣到風伯風姨急急如律令。風神遶場下第二
來艮宮上雲臺諸將聽令者。

天下樂猛見那一帶連山也。那萬里遙高也麼高。
凸更凹氣氤氲還把山頭罩。掛龍身拖下梢。運鯤
池隨上潮。你一層層斑布空虛迷晝曉。

遣到雲母雲童急急如律令。雲神遶場下第三
來兌宮上水府諸神坎宮上行雨諸神聽令者。
哪吒令則盼你密濛濛雨毛徧松梢竹梢潤蘇蘇。

土膏浸禾苗。麥苗更弄紛紛水妖起。江潮海潮洗乾坤。從頭把疼氣消。會風雲徹底把盆傾倒。好助我指揮如意做人豪。洒柳枝介

遣到四海龍神。急急如律令。水神遶場下第四。來震宮上雷部諸神。離宮上電母諸神。都來聽令者。

鵲踏枝。趑着這電光飛。雷火燒。則要你照耀人心。顯赫天條。黑慘慘鎖住這十方昏暗。劈淋淋下殼了。萬頃波濤。倒淨瓶介。

遭到五雷使者急急如律令。雷神遶場下。小生
天時已到。風雲雷雨諸神。點札起各部。下天將
天兵。急急如律令。倒淨瓶介。小旦扯住介。罷呀。
骨都都的。再倒不得了。衆神遶場下。小生呀。你
看這一套排場。果然弄大了。想來下土旱苗。都
已沾濡透足。在事諸神。可各歸本位。俺也就此
勒馬下。凡去也。衆繳法旨下。

寄生草。小生則見的濃陰散。碧落高。那一搭歸雲。
猶露龍鱗繞。那一搭斜陽已映霞光好。那一搭遙。

穹漸送鴻飛杳原來是神功收歛寂如無便看俺
懸涯撒手回來了

我想人生怎能到得天上我且立馬雲端放開
眼界觀看一回者

么篇這不是丹山鳳碧海鰲這是借他樞上追風
驃看齊州九點輕煙罩看天門夜上無人到早則
是蒼龍擺尾入雲深只怕俺大鵬展翅嫌風小

不免按下雲端龍孫你帶馬回去罷小旦先生
有勞我從雲裏來還從霧裏去繞場馳下小生

你看山水陡發、河流異漲、且下馬高坡、向前一
問者、那裏半山上有個廟宇、廟門上是龍門山
三個大字、想俺師父就在此間、好不僥倖也、雜
遶場上好大水、庄田都淹了、快逃命、下小生
你看山門大開、俺且到寺中、尋俺師父、文中子
去、虛下

生扮文中子上、禮樂三千立兩旁、年華雖去貌
堂堂、門牆不種桃、和李松檜如龍伴、老蒼自家
文中子王通便是、小生上見介、果然是俺師父

了弟子拜見。生：「你是何人，從那裏來？」小生：「弟子是李靖，從天上來。」生：「這個後生，撒虛捏鬼來做甚麼？」小生：「師父休怪，容弟子稟來。」生：「你且道。」

後庭花。小生：「俺弟子呵，是三原年少豪，是元龍湖海交，是俺舅舅韓擒虎，親將孺子教，受龍韜，只欠的擎天手段，因此向龍門走一遭。」

生：「既如此，怎說是天上來也？」小生：「不瞞師父說，青歌兒只爲着闖龍宮，龍無寶，他苦央弟子代其勞，投至得手搭涼篷，往下瞧，枯旱炎歎，雲漢焦勞。」

草木俱彫。吠畝無苗。其奈天高。罔聽哀號。車火延燒。盃水輕澆。不普恩膏。怎救噉噉。因此上甘心矯制。罰天曹幾乎把那淨瓶兒傾倒。

生哎。喲。這邊廂大水滔天。原來是你這後生造孽。小生弟子是好心。怎說是造孽。生就是你這好心害事。豈知你自道好。就不好了。那淨瓶是坎宮精氣結成。瓶中一點地下一尺。怎禁得你隨手揮灑。豈不是要救千人。反傷萬命。況且違了玉帝勅旨。那龍王母子。難免天誅。這又不是。

受人之托。反害人之事麼。小生弟子得聞師言。
不覺汗流浹背。如今弟子情愿告天自首。獨任
其罰。免得帶累龍君便了。生好笑。何勞你自首。
凡人舉心動念。天地皆知。豈有你緊靠着天門。
邊。在那裏妄爲妄作。天公還有不知道的麼。

呂南仙

八聲甘州。你會風雲快哉。倒做成一段陷溺。
奇災。看田廬漂敗。抵多少瓠子堤開。你爲蒼生反。
把蒼生來害怕。不似傳說當年濟旱才。休猜難道。
他。隄運當該。

你既往無從追悔，筭來也是此地生靈合遭水厄。只是一件從來救世的人，偏會做出悞世的事來。也只爲他信心太深，便下手太重了。那幹大事的人，惡心不可有，好心也不可有。造化之妙，普物無心。你須省得：小生弟子省得了，生你可慢整衣巾，隨後進來者。記取當年赤松子，原是神農舊雨師。下

北仙

煞尾

小生鬼谷師，商山皓敢認作冬烘頭惱。

他整頓乾坤濟時了，比似俺少年鹵莽徒勞氣冲。

霄手握着斗杓幾乎把四海蒼生都誤了。那的是
弄神通小巧怎的是做英雄全套且低頭負笈爰
甄陶

黃石婆授計逃關

副淨丑扮門軍上打着梆。搖着鈴。關前關後不曾停。我這裏自從走了孟嘗君。無招證。犬吠雞鳴也吃驚。我等都是守關軍士。丑俺秦王只爲博浪沙一事。今日捉張良。明日捉張良。可道張良是個怎生模樣。副淨你還不知。那張良身長一丈。腰大十圍。虎背熊肩。銅頭鐵額。有萬夫不當之勇。因此上。膽大包天。想要一鐵錘把秦王打死。我聞得張良那匹夫。他小指頭也有插槌。

粗袖裏鐵錘千觔重、五行遁法會書符、雖然不
是夜叉羅刹鬼、畢竟是好漢英雄大丈夫、丑如
此、我們關口、怎生準備他好、副淨有甚準備、你
是精細鬼、我是伶俐蟲、刀出了鞘、弦上了弓、蓋
好了鷄籠、快去關門、還須塞狗洞、下

南雙調

風入松慢

老旦扮黃石婆道、裝上

劫灰樓炭

戰塵多、攪醒俺枕上南柯英雄、未入神仙座、肯教
他好事多磨、倒轉了雄飛雌伏、掀翻了地網天羅、
自家黃石婆便是、與黃石公仙家夫婦、偕隱名

山因爲韓人張子房、俠烈非常、道根深固、他散財結客、爲韓報仇、帶着黃金力士、狙擊秦皇、雖則大功未成、却也驚天動地、我那黃石老翁、一心愛他後生神駿、又怕他單仗着少年意氣、未識元機、難成大事、曾在下邳橋上、點化他一番、已將素書兵法、傳授與他、足可圖王定霸、只是如今秦君受驚、徧搜天下、圖形畫影、要捉此人、老翁算他此厄難度、特叫老身趕上前來、授他錦囊密計、好叫他逃出重關、放心前去、說話中

間這早晚子房敢待來也。虛下。

前腔。小旦扮張良公子服飾揚鞭急上。空身跳出。虎狼窩。四下裏無限干戈。不堪措手。山河破。更禁他趕逐奔波。欲待鳴雞偷度。且來彈鋏高歌。

傾家殉國已拚生。一擊秦王四海驚。六國可憐忠義盡。白虹貫日邊行。老旦暗上。呀。博浪凶徒在此。小旦。你何人。老旦。我是秦皇差來捉你的。小旦。看你是道家打扮。豈是替亡秦幹事的。休得來哄我。老旦。我與你寔說罷。你記得圯。

橋上的黃石老翁嗎。我家老翁別你之後。怕你
此去前途難脫虎口。特地着老身前來授計於
你。小旦原來如此。你就是我師婆了。且問有何
妙策救我脫身也。老旦如今秦兵四守關隘。重
重筭來。萬難逃遁。吾家老翁見你爲人氣槩英
雄。狀貌却像婦人女子。因此上將計就計。教你
假充入海求仙的童女。待老身與你假做師徒。
撞出重關。自然没人盤詰。已把一套冠子絲條。
道粧女扮。并丹藥葫蘆。防身寶劍帶來。就此與

你改粧前去。小旦多承師父提挈。但我生來行
不更名。坐不改姓。這個羞人。却使不得。老旦呀。
你大難臨身。須知通變。從來剛者必折。强者必
滅。豈不開始如處女。後如脫兔。這是執雌守柔。
正合着素書上的元機妙用。小旦說得有理。事
在急切。只得從權。改粧介。老旦試與你端詳一
會者。

仙呂入
雙調

朝元令你看他眉峰眼波。豈是凡花朵雲
鬟黛螺。賽得觀音過冠帔芙蓉端。詳停妥。怎知他。

笑呀子房如今你倒底是個處女是個脫兔小旦
師婆休得取笑道是奔月姮娥烏兒兔兒怎辨訛
頃刻散花多真容現普陀早則是金蓮纖可驀地
裏步雲飛過步雲飛過

老旦你看前面就是關口了小旦我們叩關去
明知山有虎故向虎邊行

前腔則見那長戈短戈幾陣狼威過前訶後訶怕
向桃源躲門軍上來的是甚麼人兩旦我師徒們
是秦王差遣入海求仙奉命采藥燒丹進獻海上

三峰壺中一顆是童女多年功果。丑我關口上要捉張良甚是緊急你一路見有個張良麼老旦你要捉張娘他俗家就姓張叫做張小娘副淨不是俺們要捉擊秦皇的張良兩旦我們是出家人怎識得亡命奔波是誰家少年公子哥七首刺荆軻還驚博浪訛但憑你包藏有禍須信道大王福大大王福大

丑你看這小道姑倒有幾分姿色我們上前要他去創作响介副淨小道姑你身上甚麼响老

旦是劍响丑爲甚响老旦這劍是秦皇賜的軒
轅寶劍凡人見財起盜心見色起邪心他就要
响起來一連三响他就飛出來除邪斬惡見血
封喉淨丑合呀好利害我並無此心你各自去
罷遇放手時須放手得饒人處且饒人下小旦
喜得偷過關來了

前腔有恨難摹不隄防處女深閨坐尙寐無訛沒
攔當脫兔穿雲過老旦子房你須記得老翁囑咐
的言語小旦我自理會得看百鍊金剛要十年淬

到直到得繞指柔。和學步凌波。分明妙門多謝婆。
設法現身多喬粧。一刹那師父呵。你教俺微服而
過。這樣子却是帝師王佐。帝師王佐。

老旦既如此。子房你前程遠大。各自保重。老身
去也。空中小試拏雲手。提出天羅地網人。下小
旦虧得俺師父授計脫身。只笑俺張子房呵。一
片雄心。翻成雌貨。

羣仙冉冉下蓬壺。

直爲蒼生喘未蘇。

今日無由覩雄畧。

終須威定虎狼都。

快活山樵歌九轉

末扮樵夫腰斧上。日日肩擔血汗錢。自然衣食不求天。只因世上閒人少。錯認樵夫作地仙。自家西山下一個樵柴漢。便是安心耐苦隱姓逃名。靠着一把破斧頭。養家活口。守着兩間草房子。吃飯穿衣。只爲連日風雨。不好出門。喜得天氣初晴。曉來西爽。正好上山生活去也。行介。

呂北南

一枝花。恁天高孤雲停。不飛道的是留伴清。

閒我淅零零。一宵風露下。亂紛紛。千葉洞庭波。俺

吟風閣

卷一

快活山一

三

待把舊斧新磨。拾得乾柴火。一徑裏撥開荆棘科。
暢好是踏空林。啄木驚飛立。峰頂嘯聲兒入破。

你看一帶蒼煙斷壑。紅葉紛飛。俺幾日不上山。
來。怎知秋色已是如許。

梁州第七喜的那聳晴空。青山不老。平鋪地野草。
先衰。望不斷疎林空翠。寒烟外有的是隨身器械。
趑趄的是隨手生涯。儘逍遙隨天吩咐。任巖崎隨地。
安排。一路行來。怎這樵友們一個厮遇不着。莫不
是隔重雲獨斧輪材。莫不是憩孤亭聽鳥忘懷。則

這般莽蕭蕭。一徑樵風有誰共採。却笑俺貪多力。
小心兒大。又何曾論錢賣。只落得滿担挑來唱上
街。破笠兒歪。

〔小生扮書生衣包雨傘上〕求富要得富。求貴要
得貴。脚步太匆忙。跌入山凹內。〔見介〕末這漢子。
爲何跌倒在此。扶你起來。〔小生〕樵子哥。有勞搭
救。俺是上京應試。下第而回。只因滿肚牢騷。把
那路頭走錯。末牢騷牢騷。笑你爬高快活快活。
深山歲月。〔小生〕樵子。似你打柴辛苦。鎮日裏摩

眉擦担還說甚麼快活來。末唉我的快活。你所不知。你所不曉。我的快活多着哩。小生你且道來。末你聽我道。世上人得福弗知我第一件快活。是感謝天地大恩。教我得了人身。免其墮落。你只看那山中的飛禽走獸。他弱肉強吞。傷弓落羿。有無窮的苦厄難度哩。

北正 宮

貨郎兒第一轉跳不出陰陽化孕數不盡的

飛潛鈍蠢。知他輪迴六道。是何因偏我這野頭顱。無業障托天地有人身。免得那戴角披毛受轉輪。

小生將人比物，自然是做人的快活了。何消說得末呀？相公且住，就是幸得人身，知道是男是女，怕做了女子呵。

二轉只見他悶深閨，執雌持下，儘妙質，脩鞍爲馬，半路裏知是與誰人做。渾家甘箕帚，還得要賠茶。幸前生占定了陽爻卦，看鏡裏鬚眉非假。由着俺點勘風前種種花。

小生將男比女，自然是做男的快活。從來物賤人貴，男尊女卑。末笑介：相公既如此說，我們這

身子是又尊又貴的了。就該擺度起來。作滿場擺去。跌倒坐下。介。兀纔擺了不多一會。就跌倒了。難道我這樣尊貴。還搖擺不得麼。你在傍邊。不要笑我。只該扶我一扶。作扶起介。小生。你跌痛不曾。末。還虧在半山邊。爬得不狠高。跌得不狠痛。若是跌壞了手腳。連這打柴的勾當。也做不成了。還有恁快活哩。你看世上一般。是男子漢。那些疲癯殘疾的。豈少他受用不受用哩。

三轉。你只道一般的是男兒漢好。有幾樁兒瘡。聾。

跛。眇。免。不。得。籀。條。俯。仰。橐。駝。腰。恨。出。胞。胎。留。缺。陷。
怪。懸。疣。贅。更。蹊。蹺。乍。相。逢。是。天。刑。休。笑。却。相。憐。是。
人。疴。怎。逃。只。怕。前。生。所。招。今。生。肯。饒。後。生。難。料。喜。
得。俺。全。受。全。歸。漢。一。條。

小生這倒是現前的快活。末咳相公你且不要
快活。你看好好的人。五官端正。氣體完全。忽然
疾病纏身。起來癰血之災。牀席之厄。何等苦楚。
四轉嘆人生。恣意兒把七情斲喪。歷寒暑。五行爭
蕩。怎能殼兼全。福事百年康。身無恙。臨官帝旺。忽

生魔障。只要他幾日個吃。不的坐。不的掙。不起頭。
兒上執着藥方。靠着醫王。困懨懨。樂事兒都拋漾。
到此際。由他貴家王富家。郎慌不覺的怕了。無常。
怎似俺今日呵。任逍遙。步擔肩。挑無痛創。

〔小生〕這樣說來。你自身是快活的了。且問你家。
下還有恁人。末我這窮漢。上有爹娘。下有妻子。
仗着打柴過活。倒也骨肉完全。並不知生離死。
別之苦。却想世界上。那些鰥寡孤獨的人兒。怎。
生單單另另過了日子。

五轉論樂事。天倫上起。算骨肉團圓者。希都只爲利名心。南北更東西。拚遠別。守孤栖。把鴛鴦拆開。做兩處飛。也有命犯孤辰。鰥夫寡妻。也有無奈做僧尼。也有幼年間。孤露無根蒂。也有白髮無兒依倚。這的是窮民無告。數都奇。縱然他獨樂也。淒其似俺打柴的回去呵。向爹娘供菽水。呼妻子共鹽齏。年年厮守着柴門。少別離。

〔小生〕這原是天倫樂事。多半是命中所招。你何不自己尋些快活出來。〔末〕相公那尋來的便不。

是真快活。我看世界上要尋快活的。偏會尋出。不快活來。自古道。小人懷土。君子懷刑。你看那些犯罪囚徒。現世報應。就是蒼蠅蚊子。也只得盡情供養他。這苦楚。是從何處討來。謝天地。偏我這打柴人。信步行來。倒也無辱無榮。自由自在。

六轉則看那犯罪的人呵。他好似凜冽冽魚遊鍋釜。慄慄肉臨刀俎。就是那公冶長。陷在縲絏中。也只好冤冤苦苦。嗚嗚咽咽。叫無辜逼得他轉轉。

側側身無措。更有那素富貴的人。到下場頭也時。
常行乎患難。難道他都是應得的。罪麼。只爲他受。
享過頭了。陡然間。花花碌碌風風雨雨顛顛倒倒。
忽忽律律災來也。那運去。就是做大將軍的周亞。
夫也。弄得乾乾膈膈餓殍同數。對着那惡惡狠狠的。
狼做驚驚怯怯的鼠。怎顧得恩恩愛愛疼疼熱。
熱膚髮妻孥。除非是悲悲憫憫提提挈挈。佛天超。
度。想到此處。似俺雖則打柴辛苦。這等自由自便。
就是福分。天堂不及吾。

小生聽你數來這些快活在下都也有分但只是公共的末相公俺窮漢那有私下的只還有大大公共的常言道寧爲太平犬莫作離亂人那刀兵亂世天翻地覆骨肉分離是怎麼光景偏你我生來值着太平盛世如今在深山內含哺鼓腹由着我們講這一席太平話這就是個大造化了想起那亂世呵

七轉積世裏蒼生業重莽天涯值兵凶歲凶下山虎闖着混江龍那時節殺戮的沟沟更誅求的種

種有幾個得逃生。出網籠還驚恐。只避秦人先入。
桃源洞。我和你像華胥國的人兒。怎知他凜冽冽。
的肉顛心驚。纏怕夢。

〔內作風起介〕小生甚麼聲响。〔末〕虎嘯的風响。小
生阿呀。你還只管說快活。這個害怕不害怕哩。
〔末〕相公不要害怕。地上人行山中虎步。有甚驚
奇。只不要惹他就是了。人不起害虎心。虎那有
傷人意也。〔同立〕高處介虎跳一回下。

八轉俺這苦營生。健勤身手。趁時光。晨昏卯酉。深

山無伴獨相求。正黃花晚秋。晚秋路荒蕪。無人跡罕。
來投材。不材到處。山中有叫鵲。鵲也麼哥。跳猿猴。
也麼哥。野鹿兒舊遊。猛虎揚威。一見回頭。俺何曾。
念咒念咒。物我都忘有。恁擔憂。只怕得一點機心。
漏臥林邱也麼哥。吼泉流也麼哥。吼泉流。伐木丁。
丁山更幽。

小生如此說。這裏想是爛柯山。你莫非是個神。
仙出現。末笑介。呀。相公。俺明明是個樵子。你却。
道是神仙。

九轉那神仙阿。只看這爛柯山。逕重尋處。呼癡兒
瞎等。則剩得樵無斧。突無杵。真個有仙分。該呆漢
通靈得仙氣。該枯木重榮。却怎生把千年換將來。
俄頃把樵子兒。似夢魂厮迸。把斧柯兒與刼灰俱
冷。這不像海月空撈影。俺只是舊生涯。耕田鑿井。
蠹頭顱穿雲。驀嶺挑一擔風月。輕清也不見。挪揄
山鬼路逢迎。也不曾見禹王的神。偶但守着草鞋。
幾兩凡夫命。一般的巢許無名姓。你看俺野花斜
揜鬢邊橫。朝朝的白木長機。三尺柄。

小生你不信神仙，我却想做神仙。
末：做神仙怎的？
小生做神仙好上天。
末：你這人想要上天，可
由來？你只管往上升，上不去，自然想出煩惱來
了。我只管往下想，便覺得非仙是仙。像你這等
想頭，豈不是無苦尋苦？
小生拍手大笑介：罷了，罷了！
我一肚子的熱病，被你這一服清涼散，澆
得來雪散冰消，從前許多煩惱，都不知那裏去
了。雙手拓開生死路，一身跳出是非門。
末：呀！我
說得快活，你也聽得快活了麼？

尾聲俺不過閑人。自把閑情耐。你也不要五十功名。心便灰。須知道。是天工早已安排待。你寬懷也。該你操勞也。該相公呵。俺與你一斧頭劈破了愁城觀自在。

只管在此閑話。日已平西。怕我老娘在家盼望。我要擔柴回去了。你也就此出山去罷。指路下。小生多蒙指引。正是要知山下路。須問過來人。呀。轉頭過來。那樵子飄然竟去了。可惜他不曾留下姓名也罷。俺就把這座山喚做快活山。有。

何不可。

窮阮籍醉罵財神

丑扮沙彌上。油葫蘆醋葫蘆。我做和尚。觚不觚。綾袈裟。緞袈裟。誌公鞋上繡朶花。自家錢神廟中一個小沙彌。便是這座殿廷。真乃物華天寶。有小僧在廟。就是人傑地靈。我這一位神聖。法天象地。火德金身。還是當初夏禹王鑄開光。姜太公安爐顯聖。福緣廣大。法力無邊。因此上我們住廟的。憑仗威靈。也都搖擺得過。只是我的出家呵。葷酒充腸。五戒並無一戒。笑容滿面。

三販倒有四販。你道添那一販。販依佛。販依僧。販依法。不如販依這位錢菩薩。可不有了四販。閑話少說。吾神靈感。每日燒香上供的。教我們應接不暇。且喜晌午清閑。到山門外散步一回。有何不可。你看來的一個醉漢。可不是阮相公。他是從不到此的。看他來做怎麼。

北仙

點絳脣

生扮阮籍醉態披衣上

漉酒巾歪竹

風搖擺。休驚駭。醉眼看差。蹣入紅塵界。

人道我阮籍狂。我阮籍並不狂。人道我阮籍醉。

我阮籍並不醉。今日在竹林之下。與嵇康論養生。共劉伶頌酒德。正在講得有興。不知怎麼散場。來此山下。你看金碧輝煌。香烟飄渺。好個去處。見丑問介這裏想是夫子廟。丑不是。生可是文昌宮。丑不是。阮相公。你可不認識。這是生財發福的錢神廟。生呀。錢神。錢神。你自來與我無緣。今日倒要借這殘步。進去看他。一看。丑看仔細。作到介生財哥哥。久會久會。丑財神爺說我從來不認得你。這窮鬼。甚麼久會久會。生你須

不要如此。我不是賴你做相與。我不見你也罷。
我見了。你要大笑三聲。大哭三聲。還要罵你千
聲萬聲。罵之不盡。丑罪過罪過。且問你爲甚要
笑。生見了他。教我如何不要笑。

混江龍則爲你和而不介。熱烘烘不分清濁。廣招
徠哄的人香添燭。換酒去牲來。你簿兒上算定了。
子母權衡誰聚散。你手兒裏把住了乾坤寶藏。自
關開。丑他的威權。好不大着哩。生遇着你向陽花
木。靠着。你近水樓臺缺了。你聖賢無乃。仗着你豪

傑方纔哭哀哀破慳囊一文得濟笑吟吟看薄面
萬事俱諧要擔承只去懷兒裏將他揣沒關節只
要縫兒裏把他摠打透了天羅地網買通得鬼使
神差丑你們讀書君子名義爲重不知甚麼叫做
名生要沽名腰纏萬貫交游廣丑甚麼叫做義生
須市義裘馬千金意氣開丑你看那從容的生他
活潑潑魚游水面丑又看那厮趣的生都喜孜孜
蜂上花腮雖是我不貪夜識金銀氣却虧你有用
深藏府庫財休輕怠躬身下拜笑口相陪

生作拜介丑背介我一向聞得這阮相公是個
驕傲不過的。誰知見了錢爺爺也不覺低心下
氣起來。想他定是窮怕了也。轉介難得相公如
此信心。你一面拜。我一面替你上香。生使得今
日我阮籍頓首拜你幾拜。是拜你的有權。還要
稽首拜你百拜。是拜你的有德。丑請問相公錢
有幾德。生若數他的聖德。他却多着哩。他能助
人施捨。是其仁也。能救人緩急。是其義也。能厚
人交際。是其禮也。能解人紛難。是其智也。能踐

人然諾是其信也。只此一物五德俱全。怎不教我敬之奉之。親之愛之。禱之祝之。求之拜之。丑既如此。你爲何要哭。生見了他。教我又如何不哭。財神呵。

油葫蘆。你是怨府愁城。寔可哀休。喝采腥羶招惹盜心來。若不是針頭削鉄將身憊。只怕你刀頭餓蜜將人害。想多藏他是禍胎。拚亂揮他如土塊。又無奈空囊羞澀。清高在。偏死了幾多豪傑。雋賢才。你舞弄的人好不苦也。哭介。丑罷了。哭也由你。

笑也由你只怕罵不得你不得罪他。他還不照顧你哩。生你勸我不要罵你。怎知我的恨處。哽是他一手掌握教人兩腳奔波。

天下樂說不盡市道紛爭也。那爲你開盡安排圈套來。則見你換人心。都變成虎與豺。爲刀錐把道義衰。競錙銖將骨肉猜。更有甚恩仇深似海。

丑這都是人心不善。怎怨得神明。生他不但黑白不分。還重富欺貧。沒一些公道。

那吒令爲甚的賢似顏回。教他擦瓢似丐。爲甚的

廉似原思教他捉衿沒帶爲甚的節似黔婁教他
嗟來受餒你把普天下怯書生窮措大一個個都
臥雪空齋

丑這是他們燒香不到哩

鵲踏枝生偏是那市兒胎鄙夫才一任將寶藏龍
宮添得他錦上花開更偏撥出貧人的賣兒錢債
輸與那權門內去供他酒肉池臺

丑這敢是他燒香燒得着也生提起來不由人
不怒髮衝冠而起只因普天下沒有人敢罵你

只我大阮特來罵你。畢竟無求于你。

寄生草。俺側楞楞扶瘦骨。孤另另挺窮骸。有時節。悲來淚向窮途洒。有時節。興來嘯向蘓門外。有時節。醉來不覺乾坤隘。儘着你粧喬做勢。弄神通。我名高不用你金錢買。

呀。數說了一回。你怎麼一言不答。待我撞鐘擊鼓。再從頭罵起。
丑扯介使不得。使不得。

六么序。生。你休佯不採。呆打孩。聽着我鳴鼓攻來。這不是金粟蓮臺。法供清齋。聚寶門開。擠擠挨挨。

都不過鼻尖頭嗅着銅臭而來。你故意兒半空中築住了金銀寨。反教人費紙陌錢財。亂攘攘。強吞弱肉。無拘碍。翻道顏淵沒福。盜跖多才。

我要扯下來問他。作跌倒介。扶我起來。丑悔氣。悔氣被他纏個不清。但這酸丁是個大戶人家。不好得罪他。作扶起介。生我罵得氣上來了。可扶我憑欄一望。散散悶兒。那山門外是甚麼橋。丑是點金橋。生你看橋上橋下。人山人海。有這許多人。丑不多。只有兩個。生你道我醉眼迷離。

怎說只有兩箇。丑一箇爲名的、一箇爲利的。生如此說我看只有一箇、並無兩箇。丑怎說只有一箇。生只有一箇圖利的、如今爲名也無非爲利。

么篇你看買賣前來並無幾樣人材。丑怎的沒有幾樣也有經商的。生經商的營運當該。丑匠作的、生筋骨磨搯。丑耕田的。生少米無柴。丑秀才們、生潤筆書齋。丑官員們、生餽送盈堦。丑公人們、生他更巧文法賣。丑兵壯們、生摸金無賴。丑軍將們、生

威名債帥。丑道士們。生神仙黃白。丑如我等和尚們。生逢人喜拾還酒肉之債。丑連我也罵在內了。更有婦女之輩。生那個活觀音。離得了善財。你把蠶金錢。休亂篩上。至公台下。至與儻普人間一語。兼該七盜八娼。并九儒十丐。都總來熱趕生涯。只爲你財神呵。弄虛頭聚散無常態。咳。我要把銅山踢倒。金穴填埋。

阿呀。我酒湧上來了。作吐介。丑相公。這不是佛頭。澆糞。生我。只見鬼臉。裝金。丑咳。無端的枉口。

惡舌生抵多少梵唄鐘音吾今去也請請了下

丑阿彌陀佛這是那裏說起下

名疆利鎖二魔頭跳舞下淨扮錢神侍從隨上
萬壑雲烟寶藏深無星秤上見天心自從九府
爲圓法多少人間躍冶金吾乃錢神司命大寶
法王廟祀於招寶山上血食千年萬人瞻仰今
日忽有一個窮鬼自稱大阮無端闖入殿廷乘
醉發狂嫚罵吾神已差鬼卒們勾取他生魂前
來拷問想就到來也值日功曹何在末扮功曹

上啟上大王。這個窮鬼。甚是難拏。淨怎麼說。末
自來奉上帝之命。勾攝生人。只有兩件法器。一
條是名韁。一把是利鎖。那各韁發下文昌宮裏。
收存這利鎖。發在吾神部下聽用。今番鬼卒們。
前去誰知那大阮是不愛錢的。利鎖鎖他不住。
淨怎麼處。末已經向文昌殿下借取名韁。包管
一牽就到。雜扮鬼卒牽阮籍上。窮鬼大阮拏到。
生只道文昌遣人來請我。誰知是你守錢鹵。淨
你無端狂醉。瀆吾神。把你套上各韁。加利鎖。末

窮鬼尙敢昂然不跪庭。生男兒膝下有黃金。淨
你也知道黃金貴重哩。生人把黃金托掌心。我
撇黃金地上尋淨。這厮尙然崛強。看來倒有些
氣骨也罷。我想是神是佛。箇箇清高。偏我掌着
幾貫錢財。受人吐罵。嘔氣不過。沒奈何施捨去
些罷。窮鬼過來。念你生來寒素。吾神職掌薄有
微權。生你薄有微權。就要弄權。淨莫亂道。我有
天干十大庫金銀地。支十二庫財寶。這是物各
有主。擅動不得。另有閩餘庫無碍庫。我權將二

庫開來任你搬取受用可不快活哩。

般涉要孩兒救貧我亦無奇計。拚兩庫黃花裊蹕爲憐君無命數兒奇。商量頗費權宜。從今後你牀邊阿堵層層。遞你頭上青蚨片片飛。休忘記送窮文巧致富書奇。

生大笑介我爲天下窮民抱不平。你却將這話兒來哄我。敢是你還罵不穀哩。我命中所有。不怕你不替我守着。少我一文不得。要用時不怕你不送來。遲我片時不能。我若得了你這橫財。

呵。你。好。把。水。火。盜。賊。口。舌。官。符。災。殃。疾。病。暗。暗。
遞。來。予。我。那。時。節。弄。得。頃。刻。烟。銷。我。依。然。一。個。
窮。鬼。還。落。得。不。乾。不。淨。你。只。好。愚。弄。別。人。休。得。
來。哄。我。

三煞問陰陽理不齊論公私義不欺布金那有閑
田地不是我天生富貴難消受反着你鬼瞰高明
惹是非休相戲金珠糞土軒冕塵泥

韁鎖作自脫介末大王看這廝有甚符水法兒
一搖身韁鎖都脫落了淨阮生阮生你就甚般

酒脫你莫非就是竹林七賢之數。生不敢淨起立拱手介。如此失敬失敬。果然不愧爲賢。看坐。生我並不賢。原是窮鬼。窮鬼告坐了。淨只是你罵我不值。凡人窮通得喪。種種由天。強取強求。災禍立至。我不過奉命而行。那一些自主得的。二煞值奇窮。命不移。守清貧。道在茲。乍相逢。休怪前言戲。你既是明。知得馬非爲福。我不過聊試揮鋤。可拾遺。阮先生。你竟撒手空行也。從今起。翻嫌我簿書。猥瑣帶水拖泥。

生大王既如此說我也豈不知道

一煞冷清清。草生金谷。蹊熱騰騰。火燃郿塢。臍看
盈虛消息。旁州例。我這裏早知自命無承望。你那
裏空守他財。不自肥。今日箇我非無禮。只爲問天
不語。借你爲題。

淨理會得。適纔唐突高賢。幸勿見罪。生大王你

看破書生狂態。定荷海涵。淨就此定交。鬼卒們

送先生回陽去罷。生正是不打不成相識。淨惺

惺還惜惺惺。下雜拏了來。還要我送了去。生你

大王原拏差了。雜官差吏差來人不差錢來。生甚麼錢。雜公門蕩蕩開有理無錢莫進來。生我、那有錢還不知我是窮鬼。雜那怕你窮快拿錢來。生我就見閻王也只一雙空手。雜如此我不送你前行。生我要你行。雜我不動非錢不行。生你大王太歲頭上動土你還想石人頭上出汗。雜我把你這石人推倒看有汗沒汗。推倒生介
下生作醒介原來南柯一夢。

煞尾。夢耶非。醉耶非。我白眼圓睜青眼兒迷却看。

汚了衫和履。悔在那搖錢樹邊倚。